



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三七九

春雨樓集十四卷附題辭一卷 沈 彩 撰

一

鳴盛集四卷樂府一卷 愛新覺羅弘瞻 撰

六五

尊聞居士集八卷附遺稿一卷 羅有高 撰

一七七

正聲集四卷 施朝幹 撰

二九一

一勺集一卷附補遺一卷 施朝幹 撰

三一九

香葉草堂詩存不分卷 羅 聘 撰

三四九

居易堂詩鈔十卷 李天英 撰

三七五

俟盒賸藁二卷俟盒賸藁續刻一卷俟盒賸藁續編二卷 毛 琛 撰

五一九

心安隱室詩集九卷心安隱室詞集四卷 詹肇堂 撰

五七三

訪徐公田春於城北交聯傾蓋之賓來名士梅谷於雲

間人是比肩之裔扇頭題字格妙簪花句裏傳神
才高咏絮爰知舉伯鸞之案德曜誠賢侍司馬以
游清娛尤俊詩真餘事全家以風雅相師熱不因
人入室而歌吟互答奚圖閨閣遭遇如斯翻恐神
仙因緣未遠別君三月遺我一編則賢姬虹屏撰
集也蓋其家傳八之風生原宿慧繡羅雙鴛之
牒工有餘閒硯匣琉璃墨審與粉痕俱韵鏡奩翡翠
筆華竝簾影同清煙向花今一耐斜陽春老大

春雨樓集序

如竹淡生憎微雨寒添哦秀句之連篇美雅懷之
獨逸嗟乎小星煥采慣被雲遮矮屋低頭何關形
穢從來簾室非無明麗之姿為號偏房便少後容
之趣彼夫姻連貴族那盡安東價博明珠寧皆金
谷嫁才人於廝養今古同悲匹馬儉以嬋娟風騷
底用亦有婢搯白刃駭委地以誰憐兒過青疎帟
駕車而尋討問小青之遺什灰滅烟飛傳房老之
哀詞華彫芳歇他若君行淄右妾在江南悔教封
侯吟斷陌頭柳色愁看掩鑰歌酬城外砧聲又或

竈冷謀炊首蓬囊下囊空把劍攢腰邊絕無交

謫之傷祇益可憐之語凡茲作者大率愾然讀未
能終腸先欲斷爾乃設不勞於樹背樂在妻孥乘
無賴于搵春優哉風月而且主君媚學依然洛下
書生大婦多才突過關家進士傍香奩而請業彤
管名師擅紅袖以閨題鸞車良友烏絲淺界半主
書辨玉之閒情白雪聯吟陌歌縷銜簪之末技本
非當泣調最和平如與寫真詞還嫵媚加以銀鈎
親勒茂漪之家法猶新檀板輕敲蘭畹之遺音重

春雨樓集序

譜固宜裝成錦軸集附秦嘉編入玉臺傳同鮑妹
者矣僕也舊遊湖上友獲賢夫幸悉閨中耦皆淋
女到樓春雨是鈎簾染翰之時繞谷寒梅寄惜玉
憐香之思解道愁來不割振觸千端懸知妙處難
名披查百度八行馳報工慙元晏之文六角長擎
寶甚右軍之墨

乾隆四十七年暮春下泮蕭山汪輝祖龍莊甫序

缸屏本吳興故家女也年十三歸余清華端重智
 慧聰俊荆妻玉嶽即授以唐詩教以女誡稍知文
 義流覽書史過目不忘學右軍書終日凝坐常至
 夜分故書與詩皆能入格小文亦有佳致蓋女人
 心思專一不令加以勤敏事半功倍矣十年以來
 文翰遂多內言不出於閨禮有明訓故外人未曾
 見片紙隻字也今已兒女繁行良友過從漸不可
 隱微露一二業已詩傳 日下書達海陬藉彩毫
 之筆札堪佐清貧資絲秀之搢持益光令譽爰索
 命其刪訂篇章傳諸藝苑知我缸屏水雪淨聰明
 也乾隆四十四年五月十五日梅谷題

承西樓集序

三

青巖坐乃
留神水影

映輝

汪亮

寫



首登

二

倚身抱此
 夫詩書常
 恒不輟於
 心明慧無
 波潭眉而
 釵芒不如
 好學曾前



春雨樓集目錄

卷首 序二通 圖贊

卷一 賦七篇

卷二 詩四十一章

卷三 詩四十二章

卷四 詩四十三章

卷五 詩五十九章

卷六 詩三十七章

卷七 詩四十六章

春雨樓集目錄

卷八 詞三十六闋

卷九 詞三十闋

卷十 文五首

卷十一 文五首

卷十二 題跋二十五則

卷十三 題跋一十八則

卷十四 題跋一十八則

卷末 附題辭

目錄終

春雨樓集卷一

平湖沈 彩虹屏著

賦

書帶草賦

維通德之深巷乃康成之故居傳千秋之學殖祇萬卷之圖書繞宅少陶家之楊柳臨池空謝氏之芙蓉視彼裙腰之掩映讓茲書帶之卷舒爾其生長方輿思沾圓蓋下窺流水之涓涓上覆白雲之靄靄可參著作之林詎比療醫之艾策海苔之披

春雨樓集卷一賦

十

綠衣陋水符之掌翠帶雖獨立寡偶以不佞即與衆為伍而何害思夫庶物之芸芸本主宰於蒼昊而靈根之挺挺悉徵驗於芳草伏義壇孔氏林蒼草孖森滿道南浦濱長河畔春草孖青不老池塘夢覺訝是類之未生蝴蝶棲時美此種之獨好為佩同屈子之紉蘭觀旂異魯侯之采藻於是藝可為林書堪作圖研朱點六十四卦之文磨墨箋三百五篇之句泥中之婢知詩門外之徒學步靈威之守既多祭花之論斯吐爰借彩筆以發其

葩鋪繭紙而為之賦：曰百卉叢生予皆資雨露
惟茲弱草予文章所樹依燃藜之末光予約芸籤
之束素念箴規之垂紳予幸不鋤於中路

鸚鵡漁燈賦

若夫滄海之北錦城之東支連婁泖派接吳淞圍
園一鏡繚繞九龍何來鸚鵡飛入湖中於時夏日
炎薰風烈避暑池塘納涼蘋末當釣艇之往
還見漁舟之出沒女兒浦口炊火以送斜陽新婦
磯頭燒燈而迎素月當夫垂楊未白芳草猶青光

春雨樓集卷一賦

子

乍明而乍滅似木末之飛螢及其蓼花兩岸蘆葉
一汀影忽搖而忽蕩似波底之流星至如水姑相
弔石馬頻嘶或高或下似澤國之靈犀既而浮雲
密布細雨時傾倏遠倏近似墻間之走燐嗟夫燈
之為物不一而足或鄰壁分光或西窓剪燭或燃
絳蠟照御史之綺筵或撤金蓮歸學士之玉局徘徊
黃卷固屬甚佳掩映漁村亦復不俗但見片帆
兩槳綠笠青蓑此身孟浪其樂婆娑烹鱸魚以燭
短酌斗酒而頽酡既扣舷以吹笛復鼓柁而作歌

歌曰農家苦漁家樂侶海鷗予友野鸛湖影子迷
離燈光予亂落逢仙叟予窺燃藜依龍門予看魚
躍

盆荷賦

爰遵彼澤乃識此花出淤泥而不染濯清連以可
嘉陳國厥名菡萏鄭風雅號荷華君子愛憐說者
仙姝比美詩家其為葉也始田田終藹藹小如錢
大如蓋初日照之益妍清風吹矣何害其為花也
或放雙頭或開十丈紅紫爭芳青黃競爽訝五色

春雨樓集卷一賦

三

之陸離周四方而相嚮于是移栽庭院培植軒窗
滋以勺水盛以甕缸乍綠莖之抽一旋紅影之分
雙香撲眉宇色似面龐瓶桂逢君而結伴盆蘭得
爾為友邦若夫紅粉墜房碧筒貫酒結實為蓮盤
根則藕蕙必去其苦心節頓爽夫笑口何綠池之
邛須視吾登而咸有維時旱既太甚夜如何其翻
盆無雨抱甕是資覆杯水以鼓蕩浮芥舟而參差
又何美西湖之麴院太液之深池也哉迨夫露珠
滴地風剪鳴秋玩固可樂采亦忘憂遠觀焉香盈

墻角即視之光照檐頭吳女何勞打兩桀越人安
用駕扁舟乃有才子他山佳人入室顛倒衣裳聯
吟娣姁陋坐井之觀天笑擊銅而指日適解語之
當前可無言以紀實慚非咏絮之才聊執生花之
筆因擬採蓮之賦而為擊缶之歌曰太華峰頭
玉女盆移來金屋醉清尊一枝折贈人何處不待
秋風已斷魂

七夕賦

中秋未至元夜已過商聲應令流火載歌三庚退

春雨樓集卷一賦

四

暑七葉生柯迢々今夕耿々明河爾乃玉露頻傾
金風徐扇曲巷天高回廊月轉北斗闌干南星隱
現烏鵲填橋青鸞下殿則有人間樂事天上銷魂
日中曠腹樓外曝暉宗元拜手子晉乘軒黃姑得
配織女為嫁漢則百子池頭唐則長生殿裏宵中
染指之花夜半倚肩之語試穿九引之針漫握五
色之縷蛛絲之落何方金梭之墜誰所于是晶盤
陳李玉腕浮瓜披襟飲酒却扇嘗茶癡兒錯認駭
女喧譁牧吹竹笛羞拍蘆笳傳來戶々流及家々

明星燦々華燈照也輕雷填々香車掉也浮雲縹
緲招折簡也細雨霏微流淚眼也此則古人秉燭
會有時也若夫天孫送巧吾不得而知也

芙蓉隄賦

南村之北西浦之東爰有長隄厥號芙蓉臨波灩
灩浸水溶々渾如人面雅勝妾容書幌落時采異
江干之涉漁罾挂處寒竹木末之逢爾其白蘋洲
亞紅蓼灘低飛飛燕子泛々鳬鷺雉雁百城之堞
蟻旋千丈之隄映半湖之菱蕩隔十畝之稻畦魚

春雨樓集卷一賦

五

唼浮萍驚起鴛鴦之宿雁結叢葦不安烏鵲之棲
則有夕陽古渡流水人家落霞孤鶩枯木寒鴉一
叢兩叢子周遮簾幕十朶五朶子掩映窓紗喚作
拒霜動似疾風之草不同黃葉紅於二月之花或
放雙頭劇憐三醉石施葛蘿牆垂薛荔勝隋苑之
剪綵與漢宮而秋媚看却塘之漁火蒲已先零聽
柏屋之書聲松猶後異維時天氣沈寥露華布淺
寂寞秋江低徊老圃類屈子之行吟傷美人之遲
暮幾逢秋閨前望遠以題詩昨展重陽後登高而

作賦

菊影賦

金風颯々玉露凝々青山淡々綠水澄々葉盡脫以鋪地蛾亂飛而撲燈於是兩岸芙蓉面浮鏡裏一行鴻雁字沉水底楓落吳頭柳衰楚尾孤鸛鳴于九臯寒蟬噪於十里則有高人隱士趙女燕姬寄居南國寓目東籬嘆何草之不死惟有菊子獨遲觀其存而其沒覺將信以將疑爾其移來松下近與杞鄰畧加霜雪淡抹烟雲靖節臨風而欲摘

春雨樓集卷一賦

六

駱丞冒雨以難尋鮮不將無作有直教認妄為真既而天各一方家徒四壁塔院鈴鳴銅壺漏滴當銀燭之輝煌際殘星之明滅迷三徑之蒼苔搔半窻之明月若夫孟嘉落帽桓景登山萸囊初佩雲鬢增妍映潭水而猶在落酒杯以依然游魚空啖其下倦蝶誤飛其間至若數間廬屋十畝陶廬秋桂已折春蘭見鋤高士卧於山中大都相似美人來於林下深愧不如愛看晚香勁節但見葉密枝疎亂曰霜花滿地花欲然夜來疎影一燈懸美人

搖落嗟遲暮聊賦蕭條菊影篇

罵賦有序

有鄰女盛氣角口者幾不可解汝其罵乎余乃作賦

有懷欲吐無病而呻試徵往事多少罵人有如易水風寒函關日射太子餞餘漸離擊嚴把袖咸陽獻圖陞下持匕首以批鱗恨藥囊之救駕爰箕倨以倚柱變和歌而笑罵若夫踞牀洗足借箸運籌定秦失策撓楚亂謀令趣銷印安用封侯悔攝衣

春雨樓集卷一賦

七

而延入將吐哺其不休伊公事之幾敗罵豎儒以如仇至如丞相府中列侯往賀宗室滿堂故人入座一曲歌殘數巡盃過何避席之不遑乃奉觴而欲臥強耳語於女兒因酒酣而罵坐又如曹瞞門下黃祖江邊褐衣入見懷刺來前鼓鞀鏜鞳鸚鵡翩跹聽三搥以蛙怒書一賦以墨鮮當衆人之欲殺羗罵賊而誰憐別有咄咄兒童誦々婦女彼方叱余此亦詈汝取箕帚而詬誶為細微而齟齬三尺斥自柳家五鬼憎于韓處皆成蘇子文章當作

齊人野語試向春風而聽黃鸝不更候咒而候詛也歟

春雨樓集卷十賦

八

乾隆辛丑又五月廿一日書於荷香竹色亭

卷一終

春雨樓集卷二

詩

平湖沈 彩虹屏著

效玉臺體

盈盈十五女皎皎在洞房月映眉黛淺風吹口澤香紅豆相思樹花開秋日長自憐羅帶減不敢繡鴛鴦

江南春

樓頭試長望柳色半含顰一水仍清汴六朝非故

永向樓集卷二詩一

人花空隋苑樹歌歇後庭塵何當吹玉笛一寫江南春

海棠二絕

胭脂着雨太憨生窓外海棠一樹明絕代佳人宜獨立不關蜂蝶本無情

依稀如在宋牆東滴粉搓朱費化工堪與梅花為殿脚不教隨意嫁春風

探春

拂羅修睂理鬢絲粧成曲檻探春時花經小雨何

郎面山林微雲學士詞蝶蝶有情隨淺步鴛鴦無
夢惹相思依依弱柳黃金嫩好語東風莫浪吹

芳草

江城無處不霏霏膩雨膏烟染更肥南陌踏來香
印屨東風吹上綠侵衣幾回春共斜陽老一片愁
連玉笛飛流水鈿車塵土盡獨留青塚弔明妃

新柳

鶯黃初染曉窓前欲與佳人鬥麗娟弱線不牽千
里夢長條疑帶六朝烟柔情如睡鶯兒與翠眼難

春兩極集卷二詩一

十

開燕子窠任爾百花都殿後獨占春色媚芳年

遣興

針線長拋盡日閒朱藤一桁掩花開村歌厭聽斑
斑曲自把新詞教小鬟

題臨獻之帖

江梅幾點漏春光鴿眼新磨紫玉香初試袂衣鶯
語裏小窓閒寫十三行

春日偶眺

疎簾半捲倚闌干湖上春山鏡裏看一片鶯聲三

月暮杏花微雨不知寒

題自畫蛺蝶

楚楚金絲荷葉花飛來蛺蝶鬥天斜畫成一片春
無跡莫是莊生夢裏耶

新夏雨中

砌下幽香石竹開瀟瀟微雨送黃梅雕籠移掛青
松樹要看鸚鵡哥舞一回

夏日偶臥

庭院深深六月涼避人偷解小紅裳碧厨冰簟清

春兩極集卷二詩一

十

無汗消受珠蘭一串香

新涼

咽咽殘蟬天蔚藍平鋪湘簟夢江南新涼幾日風
和雨開到庭前白玉簷

秋夜

翠幃殘蠟影幢幢纏臂金歌釧一雙玉漏漸沉清
夢覺芭蕉和月上紗窓

咏鴿

慣宿簷頭刷羽翰竹竿打起向空盤不知一片鈴

聲裏多少嬌娥舉首看

贈漁婦

欲紉蒲葉為羅帶直把菱花作鏡奩看煞鴛鴦飛對々不知春恨上眉尖

古劍

龍泉三尺鐵花昏燈下看來帶血痕綠出匣時心已慄安能妙舞似公孫

秋江獨立

浙浙金風透體涼軟紅衫襯翠羅裳手持團扇秋

表雨樓集卷二詩一

四

江上要與芙蓉鬥晚粧

冬日

屋頭殘雪照簾明柳眼桃腮凍未生忽似春風人挾纈盡眉百轉學流鶯

春日小園獨遊

桃李無言處微風拂短蹊人從花裏去春在袖中携柳々雙飛蝶。嚶嚶百轉鶯。採香。薰拾句。紅日和知低。

湖上次主君韻

偶然臨眺處花笈鳥觥吟曲水流青草遙山映碧林燕來雙剪冷雲去半湖陰使倚風前柳柔情共爾深

原作

端居寡所事湖上且行吟斜日映流水無窮芳樹林杏花飲暮雨楊柳帶春陰悵望平橋外羣峰烟靄深

春景

不向東風瀉玉瓶醉人天氣却愁醒池頭木筆花開處盡出春山一半青

春雨樓集卷二詩一

五

病中口占

伏枕呻吟欲做腔紗厨空耿翠銀缸不眠夜々看天亮梔子花紋蠟殼窓

江上寄主君二絕

殘梅幾點簇春風江上青山雪乳融一色桃花錦浪裏不知明月入懷中
花信風迴又幾朝夢中春事雨中消仙郎若問桃源洞不到潯陽上下潮

小亭閒坐

小亭閒坐綺窓開是處花磚繡綠苔
蛺蝶垂々萱草正含胎金盤夜足金
荃露玉貌春消玉鏡臺為問藥欄三
徑裏宜男芳草幾多栽

杪春病起

一春心事付爐烟白芷香芎手自煎
乍拓窓紗看晚景榴花紅映夕陽邊

繡裏右軍書標首成

尺幅紅綃錦不如綉成新樣費居諸
四圍兀字四

春雨樓集卷二

七

文地碧色精填岫嶠書

作字

雙魚洗冷汲清濤淡墨輕濡吮彩毫
却被鴉鬟窺竊笑朱櫻忽點紫蒲萄

避暑

避暑北窓下涼風吹幽襟蕉竹夾深
翠仲夏如秋陰殘花猶未盡寒蟬已
先吟芳蘭供一缶石上陳清琴欲按
山水調纖爪力不任但取橫膝上一
寄

飛仙心

新秋即景

菱角尖々柿子圓一年好景嫩寒前
數枝紅蓼水幾點青山卵殼天戲剥
佛柑供茗椀笑拈松塵拂琴絃清風
習々新涼乍付與幽窓自在眠

山居秋夕次主君韻

夜氣深如此秋衣冷襲襟微風生竹
韻纖火逗花陰坐久苔滋露詩成月
漸林欲令山谷響石上更鳴琴

原作

春雨樓集卷二

七

高齋一四坐爽氣溢幽襟竹外流泉
瀉窓中明月陰平生聽立聲微尚愛
山林忽聽水絃響松

風夜入琴

晚來

晚來粧閣下曲徑步珊珊花氣薰衣
袂松聲雜佩環笑携琴作伴閒看鸛
飛還已有初三月眉痕露淺彎

七夕侍主君飲

浪傳織女渡牛郎隨例承筵醉夕涼
百罰深盃奴

不會猜拳賭取繡香囊

秋日懷弟妹

此身忽似雁南歸
弟妹天涯相見稀
不信但看風裏葉
入秋零落各分飛

深秋夜坐

芙蓉葉上露團團
月影朦朧到井欄
斜搭秋窓舒翠袖
忽驚玉釧一雙寒

池上

荇藻交橫靜不波
一泓秋水鏡新磨
凭欄愛玩遊

春雨樓集卷二 詩一

八

魚樂却見天邊雁字過

秋日即事

草蟲吟砌故嚶々
三汊池邊九曲橋
斜靠玉闌干外坐
一林紅葉靜吹簫

卷二終

春雨樓集卷三

平湖沈 彩虹屏著

詩

夜讀

被服紉與綺流覽聖與儒
豈為榮名計簡編自堪娛
棲鳥中夜起明月臨前除
皓々清露冷蕭々竹影踈
我思英皇女千載不得俱
復觀曹大家八志續漢書
伊余慕前淑汲古期有餘
譬如月桂影而欲窮根株
終當事蠶織私好徒區々

春雨樓集卷三 詩一

一

題蘇蕙織錦圖二絕

祇以才專寵陽臺
竟使離生憎八寸錦
不解織開

紅領堪換馬黃裏不終衣
補袞誠非易無關製錦

稀

自題繡秋海棠莎鷄

不信斷腸花却憐嬌豔色
終緯一番啼秋窓思無

極

春日六言

砌下苔痕如繡屋頭天色蔚藍春夢覺來何處告
花微雨江南

春日小園遊覽

瑤瑟不可理行來繞曲廊山欺螺翠淺梅入粉痕
香好夢隨蝴蝶新詩咏鳳凰他年畱盡裏着我在
清湘

春日即事

綺閣開朱戶垂楊夾綠津山憐雨後色茶愛火前
春團扇宜遮面輕衫穩稱身不教裙曳地歌舞蹴

春兩樣集卷三

二

花茵

春詞

晴空十丈颺遊絲天氣溫和蛺蝶知人在杏花紅
影裏盡簾垂几寫春詞

咏樓前柳

曉窓啼破一聲鶯柳色陰濃翠幄成似護玉人春
睡穩故遮初日射新晴

春暮

一種名花懶去探校書終日展瑤函不知寒食清

明近三月初三又過三

理繡

十翻綫帖久拋將重向明窓理綉床開篋忽驚紅
角枕翠深猶有刺鴛鴦

按樂

自裁詩句喜微哦稍曳長聲樂便和清簡主君自造樂器
名一揮簫一弄春風亭外落花多

學書

象管輕々蘸墨雲日寒書格彷彿羊欣不成失指尖

春兩樣集卷三

三

毫落竟泥泥金蛺蝶裙

焚香

繡襟心字裏輕紗膩粉幽香漬木瓜更撥水沉燃
艾袖爐烟分得一枝花

掃花

東風嫋々月娟々自綰駢樓石砌邊滿地落紅春
不管一生甘作掃花仙

對奕

竹色花光冷透幃手談一局到斜暉仙棋欲下躊

蹠甚轉遣檀郎與解圍

春閨迴文

人情有似雙燕雨泣花邊半霽天春草門回呼
女伴彩繩斜挽又鞦韆

秋思迴文

秋色一簾湘浦月盡橋斜度對梳粧愁來不割如
流水映鏡寒花空斷腸

梅花

梅花高格淡而閒懶入東風桃李班共羨翠禽枝

春雨樓集卷三詩二

四

上宿不知春隔萬重山

梅花夢

金鴨香濃繡被薰背移蘭地卸輕裾夜遠一覺還
仙夢人與梅花兩不分

春日喜雨

遲日園林翠起塵牡丹芍藥欠精神東風忽送跳
珠雨分與桃花一霎春

夏日詞

火雲不到芭蕉底綠色侵衣透簾子偶思浣手却

憎寒汲得銅盆井華水詩吟一章或兩章黃鳥嚶
嚶夏日長敲棋刺繡都不事龍鬚細簾橫匡牀黎
雲夢斷湘山曲鴉鬢雙鬟催進浴茉莉花開香馥
馥碧窓睡起紅日落

芙蓉曲

芙蓉花發秋江渺翠袖佳人對清曉愛看花是拒
霜姿不比三春零落草妾貌可比芙蓉花應如邢
尹相容嗟把酒問花不語漁舟撐出平灘沙欲
采芙蓉隔江水鯉魚風吹羅帶起

春雨樓集卷三詩二

五

秋夜吟

銀河耿耿秋夜長高燒絳蠟卸紅粧團扇婉約招
風涼菱荷出水來清香竹林娟娟露有光起視落
月心傍徨美人迢遞遠瀟湘猿聲三疊夢裏長誰
為砧杵擣秋霜瑤瑟獨撫空斷腸

戲和郭婉閒情

繡窓蛛網縵琴絲慣向東風瘦不支碧入顰眉慵
點黛紅粘纖掌怕搓脂清愁犀角梳雲後失喜裙
腰解帶時幾度水晶簾底立看他蝴蝶蹴花枝

夜遙

夜遙清夢覺高枕梅花香明月落何處殘更聽轉
長青荷中婦鏡黃竹女兒箱却咏鷄鳴什晨星帶
盡堂

初春

柳線拖黃是嫩春鶯如含意未能申東風已向花
梢轉一點輕寒不着人

上已

後之攬者感斯文禊序空傳王右軍欲仿蘭亭書

春兩樓集卷三 第二

六

一過春池洗硯當湔裙

將適夫人所紀事

行近瑤堦不敢前光風霽月護嬋娟却彈一曲幽
蘭操花底冷々響七弦

穀雨

穀雨前頭雨不乾東風撲面怯春寒防他國色飄
零盡自起掀簾看牡丹

新夏遣懷

心緒無端比散絲日高慵起夜眠遲恰如中酒懷

人味棟子花開四月時

春夜琴興

不成一曲鳳求凰換羽移宮入履霜正是落花寒
食夜七條絃上九迴腸

附夫人同作

杜鵑聲裏一燈昏感舊思鄉不可論獨取焦桐
橫膝上夜寒彈月下花邨

杪春

拂羅春山理鬢絲茶烟裊々坐來遲杏花開後江

春兩樓集卷三 第二

七

南雨正是紅蠶上簇時

附夫人和作

又是新篁解籜時東風二十四番吹碧紗窓展
看春雨剩有殘花一兩枝

五月十一日作

已臨法帖數行斜又擬松泉一鬥茶可笑不蠶兼
羅織藕花風裏聽鐃車

秋夜對新月

秋蘭葉上露華滋門掩吟蟲獨坐時月裏嫦娥杳